

اشتراک برلی

عثمانی مملکتی ایچون :
ییلغی بر بوچوق لیرا

آجینجی مملکتی ایچون :
ییلغی ۳۳ مارق - ۴۰ قرالغ

دانه سی ۳ غروش

پیل ۲ صایی ۴۹

اقتصادی

مجموعه سی

خالد

علمی و عملی هر نوع اقتصادی مسئله لر دن بحث ایدر و هر پر شنبه کونی چیقار .

اداره بخانه : استانبول ، سلطان حمای - معقولیان خانی

اعلان برلی

بردقعه لق هر سطر ایچون :
یکرمی غروش

سنة ۱۰۰۰ اعلان ایچون
آیرنجه آ کلاشیلیر

۱۵ مارت ۱۳۳۳

استحصالات ملیہ فی آرٹیرمق مسئلہ سی

— ۲ —

تکین آلب

استحصالات ملیہ فی آرٹیرمق مسئلہ سی موضوع بحث اولنجه ایلک خاطره کان شی نفوس مسئلہ سندن عبارتدر . نفوس زده هیچ بر وقت افکار عمومی بی اشتغالن خالی قاله مشدر . فقط صوک زمانلرده بو مسئله یه فوق العاده بر اهمیت عطف اولنشی و تورک اوجاغنده متخصص اطبا طرفندن بوکا دائر قیمتی مصاحبه لر اجرا اولنمشدر . مسئلہ نک صحی جهتندن صکره و حتی صحی جهتندن اول اقتصادی جهتی تدقیق ایدلک لازم کلیرکن فصلیه بو جهت شمیدی یه قدر قاله آلمانمشدر . حالبوکه مملکتیمزک حیات اقتصادی سی ایچون اک مهم مسئله نفوس مسئلہ سیدر . اراضیمز پک واسع ، خزائن طبیعیہ مز پک مبذول و فیضلی ، مملکتیمزده حرف و صنایعک ترقی و تعالیسی ایچون مقتضی اولان هر درلو مزیتلری حائز خزائن طبیعیہ فی استثمار ایچون ایجاب ایدن سرمایہ لر آرز جوق غیرتله تدارک اولنه بیلیر . الیوم مقنود اولان و تدارکی پک قولای اولیان بر شی وارسه طویراخی ، خزائن طبیعیہ فی دیگر مزیتلری موقع استفاده یه وضع ایدمہ چک الیر و قوللردن عبارتدر . بناءً علیه استحصالات ملیہ فی آرٹیرمق مسئلہ سی موضوع بحث اولنجه یکی یکی فابریقه لریک تأسیسی دوشونمیدن اول نفوسی آرٹیرم بیلہ چک تدابیری نظر دفته آماق ضروریدر . بوخصو صده اقتصادی نقطه نظرندن تدقیقات و تبعات اجرایی مجموعہ مز هیئت تحریریه سندن متخصص بر ذات طرفندن درعهده اولندیغندن سوزی کنیدیسنه ترک ایلہ شمیدلک موجود نفوسدن اعظمی استفاده فی تأمین ایتمک چاره سی بولمغه چالیشه جفر . مع التأسف شوراسی اعتراف ایتمک مجبوریتنده بولنیورزک بڑ شمیدی یه قدر موجود نفوسدن اعظمی دکل ، اصغری استفاده فی بیلہ تأمینہ موفق اولمہ مدق . بو مؤسف حقیقت آتیدمہ کی ارقام و حادثات ایلہ نایبدر .

(۱) ۳۲۹ سنه سنه عاید اولمق اوزره الک صوک انتشار ایدن رسمی زراعت ایستاتستیکنه کوره ۳۲۹ سنه سنده بتون ممالک عثمانیهده یالکز ۷۵,۲۲۵,۶۸۹ دونم اراضی زرع اولنمشدر . نفوس عمومیہ مز ۲۵ میلیون اولمق اوزره قبول ایدرسنه ک نفوس باشه یالکز اوج دونم مزروع اراضی اصابت ایتمکدهدر . بو مقدارک نه قدر جزئی اولدیغنی تقدیر ایدم بیلیمک ایچون مملکتیمزک بر زراعت مملکتی اولدیغنی ، کرک حالده و کرک استقباله ثروت ملیہ مزک مایه القوامی زراعتدن عبارت بولدیغنی ، زده تجارت و صنایعه اشتغال ایدن نفوسک پک محدود اولدیغنی

نظر اعتباره آلملی و اوندن صکره ممالک ساثره ایلہ بر مقایسه یابمہ لیدر . بز بو مقایسه فی اصول کشفه ایلہ زراعت یابن مملکتلره یابمہ یوب یسنه بزیم کی متسع اصول ایلہ زراعت یابن ، و ترقیات فیه سی چک محدود اولان روسیه ایلہ اجرا ایدمہ چکز . آسیای روسیدن صرف نظر روسیه نک اوروپا قطعہ سنده کی اراضیده نفوس باشه ۲۳ دونم اراضی اصابت ایتمکدهدر . اوحالده دیمک اولیورک اصول زراعتی یسنه بزیمکی کی متسع بر حالده بولنان روسیهده هر برفردک باشه بزہ نسبتله ۸ - ۷ دفعه دهها زیادہ مزروع اراضی اصابت ایدیور . اوحالده دیمک اولیورک بز روسیه یه قیاساً زراعتک ترقیسنه مانع اولان اسبابی ازاله یه موفق اولورسق ممالک غربیهده تطبیق اولنان اصول کشفیه هر ض افتقار ایتمدن عینی مقدار نفوس ایلہ ۷۵,۲۲۵,۶۸۹ دونم یسنه ۵۷۶,۲۲۸,۷۷۷ دونم زرع و بوسورتله طویراغمزک استحصالاتی سکز مثل تربید ایدمہ بیلہ چکز .

(۲) یالکز زراعتله اشتغال ایدن نفوسک مقدار ایلہ مقایسه یه کیریشیرسه ک یسنه بوکامائل نتیجه لر دسترس ایدرز . ۲۵ میلیون عبارت اولمق اوزره قبول ایتمکمز نفوس عمومیہ مزدن چولق جوجق ، اختیار و عملانده لری ، صنایع و تجارتله مشغول اولانلری طرح ایدرسنه ک دوغرودن دوغرویه زراعتله مشغول اهانلک مقدارینی آنجق نصف یعنی اون ایکی یجق میلیون اولمق اوزره تخمین ایدرسنه ک دوغری بر تخمین اولور . بو تخمینده بر یا کلس اولسه هر حالده زراعتک مقدارینی جوق کوسترملک جهتمده دکل بالمکس آرز کوسترملک جهتمده آرا مہ لیدر . مملکتیمزده دوغرودن دوغرویه زراعتله اشتغال ایدن اهانلک اصلاً نصفدن دهها آرز اولمق اوزره قبول ایدیلہ مز . یوقاریده کوردیکمز وجهله زرع ایدیلن اراضی مقدارینک ۷۵,۲۲۵,۶۸۹ دونمندن عبارت بولدیغنه نظر آ هر بر زواع باشه یالکز آلی دونم اصابت ایدیور . بو ارقامی ممالک ساثره ایلہ مقایسه ایدرسنه ک یسنه غریب نتیجه لره واصل اولورز .

زراعتله اشتغال ایدن اهانلک سقادیئلر و جوجقلر داخل اولدینی حالده - هر برفردینه :

آلمانیهده ۳۵

مجارستانده ۳۴

انگلترهده ۸۴

آمریکای شمالیهده ۱۶۰

ایرلانداده ۶۵

دونم مزروع اراضی اصابت ایتمکدهدر . حالبوکه زده

یوقاریذہ کی رقمہ نظر آ زراع باشہ یالکز آلی دوم اصابت ایدیور .

نسبتک آزلغنی تقدیر ایدہ بیلیمک ایچون آلمانیایی مقیاس اتخاذ ایدہ میز . چونکہ اورادہ اصول کشفہ نک حد اعظمیسی تطبیق اولونیور . زراع جوق اراضی ایشتمکک چالشمز آ ز اراضیدن وسائط قبہ ایلہ جوق محصول بتشدیرمک جہتہ صرف غیرت ایدر . انگلترہ ، ایرلندا و آمریکای شمالیدہ فلاحت عظیمہ اصولی غالب اولدینی ایچون نفوس باشہ اصابت ایدن اراضی مزروعہ بالطبع نسبتہ یک جوق اولور . بڑہ آ ز جوق قابل قیاس اولہ بیلہ جک مملکت یالکز بحارستاندر . بحارستاندہ فلاحت عظیمہ نک نسبتی بڑدن یک اوزاق اولدینی کبی اصول زراعتک کثافتی دہ هنوز اودر جہ ترقی ایتہ مشدر . زراعتک ترقی ویا تدبیسہ ایقاع تاثیر ایدہ بیلان عوامل وعناصرہ دخی آ ز جوق مشابہت واردر . او حالہ دیمک اولورکے صوک زمانلردہ مملکت مزودہ مشہود اولان انتہاء اقتصادی سایہ سندہ زراعتک اسباب ترقیسی تأمینہ موفوق اولورسہ ق بحارستاندہ اولدینی وجہلہ بڑدہ دخی برقاج سنہ ظرفندہ نفوس باشہ «آلی دوم» یرینہ «۳۴» دوم مزروع اراضی اصابت ایتہ سی یک بعید الاحمال دکلدرد . بش اون سنہ ظرفندہ بونیجہ و وارمہ صرف غیرت ایدرسہ ک خیال آرقہ سندہ قوشمش اولہ بز . او حالہ دیمک اولورکے بویوک بویوک انقلابلرہ عرض افتقار ایتہ دن اراضی مزروعہ مزنی تخمیناً آلی مثل تزید ایتک درجہ استطاعتمزک فوقندہ دکلدرد .

(۳) مزروع اراضینک ویردیکی محصوللری نظر تدقیقندن کچیررسہ ک ینہ عینی نیجہلرہ واریرز . دیگر بر مقالہ مزودہ ممالک سائرہ ایلہ بر مقایسہ پایہ رق استحصالات زراعیہ مزنی دہا برقاج مثل آتیرمق ممکن اولدینی ارانہ واثبات ایتشدک . شمدی ارتق بو اداہمزنی کندی مملکت مزہ قیاس ایلہ اثبات ایدہ بیلہ جک ارقام رسمہ الہ ایتدیکمزدن بشقہ اقلیملرہ ، بشقہ طوپراقلرہ ، بشقہ آدملرہ ، بشقہ شرائط استحصالیہ ایلہ مقایسہ پایہ لزوم قائلہ مشدر . ہیئت تحریرہ مزودن نافعہ مدیر عمومیسی سلیمان سری یک طرفندن صوک نسخہ مزودہ «قونیہ اوواضنک ارواسندن شمدی بہ قدر استحصال اولنان و بوندن صوکرہ حصولہ کلہ جک اولان فوائد» حقدہ نشر ایدیلان مقالہ سندہ مندرج رسمی ارقام و معلوماتہ کوردہ اووا ایدیلان قونیہ اوواضندہ ۳۲۹ سنہ سندہ محصولک ہیئت عمومیسی اعتباریلہ برہ ۴۰۷ بغدادی وبرہ ۵۰۸ نسبتندہ آربہ استحصال اولنشدرد . ینہ اسقا ساجہ فی داخلندہ یعنی عینی اراضیدہ ۳۳۲ سنہ سندہ لوازمات عسکریہ اداہرہ سی ایک بیگ اوچیوز

طقسان ایکی دوم اوزرینہ اوتوز آلی بیگ کیلوگرام بغدادی ، بیگ بشیوز یتشن سکز دوم اوزرینہ یکرمی بریک ، ایکی یوز یتشن سکز کیلو آربہ ویدی یوز دوم اوزرینہ بیشیک طقسان کیلو نخود و بشیوز آلتش دوم اوزرینہ ایکی بیگ یدیوز سکسان بش کیلو مصر ویوز دوم اوزرینہ ۴۰۸ کیلو فصولہ و ۸۲۰ دوم اوزرینہ ۸۱۷ کیلو پتاتس اکش و شو متنوع محصول میانندہ بغدادی و آربہ برہ اون بش نسبتندہ محصولات ویرمشدرکے کوپلی طرفندن آلتان محصولک تقریباً اوج یجق مثلی فضلہ در .

او حالہ دیمک اولورکے کوپلی طرفندن دخی زراعت ، فتموافق اولہ رق وسائط جدیدہ ایلہ اجرا اولورسہ استحصالات ملیہ بوکونکی بہ نسبتلہ اوج درت مثل فضلہ تزیاد ایدہ بیلیر . سالف الذکر ارقامدن استحصال ایدہ بیلہ جک نتیجہ لر یک سادہ در . بوکونکی نفوسی آتیرمہ دن ، حیات اقتصادی مزودہ درین درین انقلابلر پایہ لزوم کورمہ دن یالکز وسائط نقلیہ و استحصالیہ بر درجہ بہ قدر اصلاح ایتک صورتیلہ زراعت سایہ سندہ استحصالات ملیہ مزنی ۱۵-۱۲ مثل درجہ سندہ آتیرمق قابلدر . بونلری درپیش تأمل ایدرسہ ک مالہ ناظر محترمک مجلس اعیانہ ایراد ایتدیک نطقندہ مملکتمزک بش اون سنہ ظرفندہ بوتون بورجلرخی اودہ بیلہ جک بر درجہ ترقی بہ مظهر اولہ بیلہ جکنی اعلان ایتک صورتیلہ اوتہ دنبری معروف اولان لایتنرلر نیکیئلکنی بردہا و بحران عمومی حاضرہ رغماً تا کید ایتک خصوصندہ نہ قدر حقلی اولدینی کال وضوح و قطعیتلہ مرتبہ نبوتہ واریر .

بحارستاندہ اعتبار زراعی مسئلہ سی

زراعت باقہ سی مدیر عمومی معاوی

اسماعیل رضی

«معلومات عمومیہ»

بحارستان بعض جہتلردن رومانیایہ مشاہدر . اراضیسی مساحہ سطحیہ جہ اونک اوج مثلی قدر بویوک و نفوسی دخی اوانسبتندہ زیادہ اولقلہ برابر مختلف ملتاردن مرکب اولسی و غربی آوروپایہ «رومانیادن» دہا یاقین بولنسی کبی بعض اسبابدن متولد فرقلر برطرف ایدیلیرسہ اقتصاد زراعی نقطہ سندن آرہ لزندہ جالب دقت مشاہدتلر کوریلور . بحارستانک مساحہ سطحیہ سی «خروانتستان» اسقلاوونیہ داخل اولوق اوزرہ (۳۲,۳۳۳,۰۰۰) ہکتاردرد . مناطق زراعیہ اعتباریلہ عارضہ لی